

壬申日记

嘉庆十七年(1812 年至 1813 年)

十月

二十五日，甲子(1812 年 11 月 28 日)。阴。未刻至洪山桥登舟，酉刻开行，数步即泊。夜雨达旦。

二十六日，乙丑(11 月 29)。早晨雨，巳刻晴，开行，微有南风，午后过竹崎关，晚泊白沙驿。

二十七日，丙寅(11 月 30 日)。晴。早发，北风顶逆，午过闽清口，晚泊小箬。

二十八日，丁卯(12 月 1 日)。晴。早发，未刻至水口，稍停，晤罗章述，晚至湾口泊。

二十九日，戊辰(12 月 2 日)。晴。早发，未刻过黄田，晚近三都口泊。

三十日，己巳(12 月 3 日)。晴。早发，晚过九里潭泊。

十一月

初一日，庚午(12 月 4 日)。晴。早发，晚泊吉溪。

初二日，辛未(12 月 5 日)。阴。早发，申刻至延平府城外泊。进城剃头，晚回船。

初三日，壬申(12 月 6 日)。阴。早发，辰刻过黯淡滩，晚泊高桐。

初四日，癸酉(12 月 7 日)。晴。早发，晚泊南雅口。

初五日，甲戌（12月8日）。阴。早发，晚至建宁府城外泊。写家书一封，托盐馆林道和年伯寄省。系甲子副榜同年林准之父，住山兜尾三营，在此管总。

初六日，乙亥（12月9日）。晴。入建宁府城，拜林道和年伯，托寄家信。据云，次日即有回省差船。并在盐馆中晤郑肇仲森书之子，在此出官。又赴府学陈汝采三兄处，俱会晤，并留午饭，未赴。林年伯送食物四件。未刻解缆，晚过阿弥陀佛滩泊。

初七日，丙子（12月10日）。晴。早发，未刻过叶坊，晚泊清洲。

初八日，丁丑（12月11日）。早发，过大米、小米、牛头各滩，行甚滞，晚泊牛尾，仅行二十里。夜雨。

初九日，戊寅（12月12日）。阴。早发，巳刻过小湖，晚过七里滩，泊。

初十日，己卯（12月13日）。早发，辰刻过水吉，稍停。是日遇雨，勉行二十余里，申刻泊金墩。夜仍有微雨。

十一日，庚辰（12月14日）。密雨竟日，舟人旋行旋止，申刻过大罗滩，泊马岚。是日为六妹于归之辰，未审省中晴雨何如，为之悬切。

十二日，辛巳（12月15日）。上半日阴，下半日雨。晚泊旧馆。

十三日，壬午（12月16日）。晴。天气始觉甚寒。巳刻开行，晚泊曹村。

十四日，癸未（12月17日）。晴。辰刻行，早饭过水北，晚泊观前。此处离浦城四十里，向来冬水浅时，每由此舍舟就陆。此番初亦拟其如是，幸水吉以上连日有雨，溪流复长，故仍令舟人溯流而前。

十五日，甲申 12月18日）晴。辰刻行，水甚浅，舟人将其货物另盘竹筏，本舟较觉轻便，狭浅之处，背负而行。晚过将军滩，至更余始泊。

十六日 乙酉 12月19日）早发，已刻到浦城，遇雨，卸舟移装，寓黄协兴行中，李君亦同寓。询知此处人夫短缺，大差络绎，有客商自省中来，先到半月，尚在此间等候者。势既如是，亦只可少住耳。

十七日 丙戌 12月20日）晴。早晨邀人往盐馆借轿，萨肇文在此出官。兄即来寓相晤。上午往拜祖舫斋少寇、祝东岩太守，本地人，新捐知府。梁五兄亲家，伊寄有物件，俱未晤。旋赴盐馆，肇文兄留晚饭，更余始回。祝君来回候，亦未晤，并以柬见招翌日午饮。夜，郑天雯来，渠在祝家帮办城工事。

十八日 丁亥 12月21日）晴。早晨祝东岩来，晚后祖少寇来，俱晤谭。是午赴东岩之席，在其所构二有堂别业，居城之东偏，亭榭竹木，粲然俱新。少寇亦同席，饮兴甚高。二鼓始回寓。是夜为冬至前一夕，忆家中搓丸，却少数人，倍有望云之想，因亦于此间买术为丸，以祝团栾，且存榕城乡俗。

十九日 戊子 12月22日）。晴。萨肇文兄及盐馆诸友先后来谈。郑北敦高湖人，庚午孝廉。自江苏赣榆县何观承任中回里，过此相晤，并付来清江郑大兄所寄一书。是午祖少寇亦在二有堂设席见招，赴之。二鼓回寓。数日来，浙省无夫到此，官差尚未疏通，催促行户亦属无益，不得不静以待之，恐更有二三日耽搁，焦急殊甚。

二十日 己丑 12月23日）晴。郑北敦回省，托其寄家书一封。

二十一日 庚寅 12月24日）。晴。早晨祖少寇、祝东岩来。

饭后始有人夫束装就陆，北风甚大，晚至渔梁宿。

二十二日 辛卯(12月25日)。晴。辰刻行，上午过五显岭，又过大竿岭，入浙界，酉刻至念八都宿。

二十三日，壬辰(12月26日)。晴。辰刻行，午刻过仙霞岭，谒关圣庙求签。签语云：“曩时败北又图南，筋力虽衰尚一堪。欲识生前君大数，前三三与后三三。”申刻至峡口宿。

二十四日，癸巳(12月27日)。晴。辰刻行，过苏岭，又过江郎街。天清，望见江郎山三片石。凡出行者，以得见此石为吉兆。未刻至清湖，寓陈翰侯行中。

二十五日 甲午(12月28日)。晴。行中早饭后下鸬鸟船，船甚小，东北风顶逆，晚泊大鸡滩，仅行三十余里。

二十六日 乙未(12月29日)。晴。东北风大。辰刻行，晚泊坑西隅。

二十七日 丙申(12月30日)。晴。早发，辰刻至衢州府，移行李上江山船，午后开行，西南风得利，晚泊安仁。

二十八日 丁酉(12月31日)。晴。早发，东风颇逆，午刻过龙游县，晚泊裘家堰。

二十九日 戊戌(1813年1月1日)。晴。早发，午过兰溪县，小停复行，晚泊香头。

三十日 己亥(1月2日)。晴。早发，未刻过建德县，夜行，三鼓过子陵钓台。自诩深宵过此，真所谓羞见先生者矣。是夜泊鸬鹚原。

十二月

初一日 庚子(1月3日)。晴。早发，东北风顶逆，舟本下水，反负纤而行。巳刻过桐庐县，傍晚泊新店。

初二日 辛丑(1月4日)。晴。子刻行，黎明至富阳县，晤同

年周名凯，邀赴其家早餐，午回船。是日东北风甚大，又因次日系大潮之期，舟人恐渡江不稳，坚不肯行，即泊此。

初三日，壬寅（1月5日）阴。严寒。仍泊富阳，入城闲游。

初四日，癸卯（1月6日）。晴。卯刻行，未刻至杭州闸口。眷属行李犹在舟中，因须讨关，自行入城，至张中丞宅中，为时已晚，即留宿。

初五日，甲辰（1月7日）晴。早晨往拜浙中丞高公，面向请给过关免验之单，晚带回船。

初六日，乙巳（1月8日）晴。移行李入杭州城，在客寓中暂住。

初七日，丙午（1月9日）晴。张二少君、朱、汪二君招游西湖，赴之。晚回寓。

初八日，丁未（1月10日）。晴。早饭后由寓中乘小船出武林门，至黑桥，登如意船，行至北新关前泊。

初九日，戊申（1月11日）晴。辰刻过关行，晚泊塘栖。

初十日，己酉（1月12日）。阴。早发，西风颇利，可用偏帆。午雪降。申刻至石门县泊。

十一日，庚戌（1月13日）晴。早发，巳刻过石门县，晚泊斗门。

十二日，辛亥（1月14日）晴。早发，巳刻至嘉兴府，稍停又行。

十三日，壬子（1月15日）晴。早发，南风得利。今年天不甚寒，此时尚有南风，亦殊难得。申刻至姑苏，粮船甚挤，晚泊胥门口。

十四日，癸丑（1月16日）。微雨。李道新年伯及令弟道颖俱来，其眷属即移上岸，上午往拜之。

十五日，甲寅（1月17日）晴。李道颖招午饭，赴之。内子亦

往。晚回舟。

十六日，乙卯（1月18日）。晴。上午赴李道新年伯席，即回舟。

十七日，丙辰（1月19日）。由苏州开舟行。

十八日，丁巳（1月20日）。晴。早发，午过浒墅关，晚至新安镇泊。

十九日，戊午（1月21日）。晴。早发，北风顶逆，已刻过无锡，晚泊五□

二十日，己未（1月22日）。晴。早发，未刻过常州。作启一封，托常州朱太守转寄文远皋师。申刻开行，舟甚挤，晚泊新闸。

二十一日，庚申（1月23日）。晴。早发，北风□晚至丹阳县泊。

二十二日，辛酉（1月24日）。阴。早发，午后雪降，至小新丰，舟挤难行，在此暂停。

二十三日，壬戌（1月25日）。晴。早晨束装赴金陵□□□□雇小车而行。晴雪初消，泥泞殊甚。午至镇江府，以□□易骑，戌刻至桥头宿。

二十四日，癸亥（1月26日）。晴。五鼓行，辰刻龙潭，申刻入朝阳门，见前朝城阙遗迹，为之感喟。是晚在督府后观音庵暂寓。

二十五日，甲子（1月27日）。晴。早晨往拜百菊溪制府，因忌辰未晤，遂至钟山书院拜见姚姬传前辈；春秋八十有三，而耳目步履，少年尚或不逮，珊珊仙骨，留住人间，当代灵光，殆指数屈矣。又晤陈鉴轩方伯。顺往阎伟堂同年处，留晚饭，谭至更余回寓。是日又拜孙渊如前辈、蔡听涛、杨□同年，俱未遇。

二十六日，乙丑（1月28日）。晴。早晨拜见菊溪制府，意致

甚厚，即促入署居住，因晤汪笈溪同年、黄景韩二尹。是午制府设筵，演剧两部，梨园更唱迭作，已与襄阳王太守同居正席。王名树勋 扬州人，向有干济之名。夜演灯戏，三鼓始彻席。下榻在署中花园。

二十七日，丙寅（1月29日）。晴。陈鉴轩方伯、邱□□树棠太守、姚惜抱前辈□□□同年俱来拜，未晤。夜，制府复邀观剧。

二十八日，丁卯（1月30日）。晴。

二十九日，戊辰（1月31日）。子刻雪降，逮晚积至五六寸。署中设席饯腊。夜，制府见过。

（嘉庆十七年十月二十五日至十二月十五日

录自林纪焘藏日记手迹 其余录自《林则徐集·日记》）

癸酉日记

嘉庆十八年（1813年至1814年）

正月

初一日 己巳（1813年2月1日）。早起积雪满庭。与□□□及署中诸公往来贺年。午，菊翁招饮，笈溪与焉，谈至三鼓始散。

初二日 庚午（2月2日）。晴。代菊溪先生撰折稿一件。

初三日 辛未（2月3日）。阴。又代撰折稿一件。是夜，微雪与雨相间而落。署后人家失火。

初四日 壬申（2月4日）。阴。作七古一首 题菊溪先生《平海集》。

初五日 癸酉（2月5日）。阴。为菊溪先生书扇一柄，为诸同人书条幅、册子数事。是日演剧具觞，至夜四鼓始散。

初六日 甲戌（2月6日）。晴。上午出署，诣水西门外登舟，即开行。傍晚颇有西风。夜泊燕子矶，土名观音前，计行四十里。

初七日 乙亥（2月7日）。阴。早晨风颇利，由大江行，已刻过黄天荡。午后风色转东，入仪征小河行。晚遇顶风，泊旧港。

初八日 丙子（2月8日）。晴。早发，风颇静，已刻入瓜洲口，至由闸关换坐扬州小船，午后至扬郡，入城，寓埂子街长乐园。

初九日 丁丑（2月9日）。晴。作书一封寄清江。廖运使见访，未晤；上午往答拜，亦未遇。随到江都县署拜张井楼晤谭，并托寄清江信，即回寓。书扇一柄。

初十日，戊寅（2月10日）。晴。书扇两柄。上午阿厚庵□□□□即往回拜晤谭。又往拜廖复堂运使，留晚饭，延建道李观察、通州州同克君同在座，二鼓回寓。微有雨雪。

十一日，己卯（2月11日）。雨雪霏微交落，地甚泥泞，未能出门。盐场林正恒来会晤。上午书联、簪数事。

十二日，庚辰（2月12日）。晴。往安定书院拜吴谷人前辈，又拜邹景程、号晴舫。鲍又增俱未晤。顺往回拜林芑坡晤谭，午后回寓。书联、簪数事。

十三日，辛巳（2月13日）。晴。早晨往辕门桥五车楼冯家书肆买书。饭后偕同寓屠芑州、名春林，淮安人，癸酉选拔。沈荡舫、冯胜楼、姚白棱、俱杭州人。杨熙春，嘉兴人。乘小舟同往观平山堂。晚回至小东门，诸君邀入酒家小饮，侑觞者二人，一曰梅仙，一曰五福。亥刻散席回寓。吴谷人先生来，未遇。

十四日，壬午（2月14日）。晴。早晨清江人来，得书一封，知眷属于去腊除夜抵袁浦，积日悬怀，于兹少释，因作一书寄答。书条幅数纸。邹晴舫来晤谭。

十五日，癸未（2月15日）。晴。早晨往各处贺节辞行□□□□都转、邹晴舫观察。是晚嵯运使□□□□□□人来寓。

十六日，甲申（2月16日）。晴。早晨阿嵯使来，即往答，未晤。修启二封与百菊溪、张兰渚两先生，又致汪笈溪一书。廖都转邀翌午音觞，辞之不获，是日已雇小舟，拟即起行，因此又为羁滞。

十七日，乙酉（2月17日）。晴。书联、簪数事。上午赴廖都转之席，演春台部，乃扬郡之最著者。吴谷人、谷湖、洪梧生、秦敦复四前辈皆同座。又蒋君知节者，心余先生之嗣，掌广陵书院讲席，亦在座。三鼓彻席回寓。

十八日，丙戌（2月18日）。晴。早晨洪桐生前辈来，邀至梅

花书院早饭，巡漕使倪竹泉前辈琇、贵观察澄俱在座，适吴谷人前辈亦至，召两优人侑觞。谷人先生早晨到寓见访，未晤。邹晴舫、鲍又增俱来，亦未晤。午后往拜倪竹泉，顺赴安定书院，即回。

十九日 丁亥（2月19日）。晴。早晨倪竹泉前辈来晤谭。巳刻移装钞出关门 登小舟 赴清江 适北风甚大 舟行迟缓 戌刻至邵伯驿泊。

二十日，戊子（2月20日）。晴。五鼓开行，未刻至高邮州，□□□□舟颇难行，戌刻至六安沟泊。

二十一日 己丑（2月21日）。阴。黎明开行，东南风颇顺利，辰刻过范水。午后至宝应县，适漕帅阮芸台先生过此，登舟拜见，交陈恭甫托寄二书，漕帅即来舟中答拜。申刻开行，戌刻泊黄浦。

二十二日 庚寅（2月22日）。阴。四鼓行舟，辰刻至淮安府。入城拜叶次慢明府 留署午饭 邀陶□同年来 上灯后撤席。乘肩舆赴清江浦，亥未刻到文轩大兄署中，阅京中象峰来书。

二十三日 辛卯（2月23日）。晴。

二十四日 壬辰（2月24日）。晴。早晨往拜初颐园先生，未晤。又拜徐晴圃观察晤谭，即回寓。方铭怀来。

二十五日 癸巳（2月25日）。晴。徐观察来晤谭。

二十六日 甲午（2月26日）。晴。早晨往拜百菊溪先生晤谭 并晤汪笈溪、唐印川诸君 留早饭 即回寓。

二十七日 乙未（2月27日）。晴。书联、箴数事。初颐园、百菊溪先生俱来，未晤。夜雨。

二十八日 丙申（2月28日）。晴。

二十九日 丁酉（3月1日）。晴。

三十日，戊戌（3月2日）。晴。定议附搭粮艘北上。下午往百菊溪先生处辞行，未晤。夜雨。

二月

初一日，己亥（3月3日）。上半日雨，下半日阴。作家书一封，又寄郑倬亭、姜苍雨书各一封。

初二日 庚子（3月4日）。阴。书联、簪。

初三日 辛丑（3月5日）。晴。晚间徐晴圃观察遣使来。

初四日 壬寅（3月6日）。晴。早晨常州龚君朝佐来。饭后往徐观察处晤谭，即回。

初五日 癸卯（3月7日）。晴。

初六日 甲辰（3月8日）。晴。汪笈溪作字来，即答之。

初七日 乙巳（3月9日）。晴。下午折差陈大魁自京回闽到此，将家书交其带往。

初八日 丙午（3月10日）。晴。祖舫斋大司寇入都过此，赴舟次拜晤，顺途回候常州龚君，即回寓。作书一封与象峰，托舫斋先生带京。

初九日 丁未（3月11日）。晴。夜三鼓忽有雷雨。

初十日 戊申（3月12日）。雨。夜刮大风。

十一日 己酉（3月13日）。晴。

十二日 庚戌（3月14日）。晴。文轩兄往苇荡营。

十三日 辛亥（3月15日）。晴。

十四日 壬子（3月16日）。晴。书联、簪，字仿。闻拦清坝已开。

十五日 癸丑（3月17日）。晴。右眼作疼。

十六日 甲寅（3月18日）。晴。

十七日 乙卯（3月19日）。晴。

十八日 丙辰（3月20日）。晴。闻御黄坝于是日丑刻开放。上午由寓中携行李至娘娘庙前登粮船。

十九日，丁巳（3月21日）。晴。早晨乘小船往拜粮帮管运千总萧琦泰、任怀谟，未晤，即回船。缘前帮粮艘未尽过坝，故本舟仍未开行。

二十日，戊午（3月22日）。晴。粮艘搬米起剥，未刻过御黄坝，定更后泊杨庄。

二十一日，己未（3月23日）。晴。辰刻行，南风盛发，而河道颇纤，舟向南行，故反不得风力，午后舟向北驶，遂得风利，晚抵众兴泊。是日计行七十里。

二十二日，庚申（3月24日）。晴。辰刻行，西南风得利，巳刻过□□未刻过小关闸，定更时过宿迁坝泊。是日计行一百二十里。

二十三日，辛酉（3月25日）。阴。早晨微雨。前途粮艘拥挤，本舟缓行。傍晚过朱龙坝，至支河口泊。计行四十里。

二十四日，壬戌（3月26日）。阴。辰刻行，因前途韩庄闸未开，一路水浅，午刻泊舟，离皂河四里。

二十五日，癸亥（3月27日）。阴。北风甚大，仍泊。

二十六日，甲子（3月28日）。晴。

二十七日，乙丑（3月29日）。阴。巳刻微雪，即晴。

二十八日，丙寅（3月30日）。晴。

二十九日，丁卯（3月31日）。晴。

三月

初一日，戊辰（4月1日）。晴。

初二日，己巳（4月2日）。阴。制府百菊溪先生过此。

初三日，庚午（4月3日）。晴。

初四日，辛未（4月4日）。晴。上午乘小舟往皂河市上，即回。

初五日，壬申（4月5日）。清明。夜泛小舟玩月。

初六日，癸酉 4月6日 ）。晴。

初七日，甲戌 4月7日 ）。密雨竟日。

初八日，乙亥 4月8日 ）。阴。

初九日，丙子 4月9日 ）。阴。上午始闻前途开坝，午后开船，舟挤水浅，行不能速，定更后泊皂河，仅行四里。自午后密雨霏霏，半夜开霁。前途运闸，仅过□帮粮艘，即复闭闸。

初十日，丁丑 4月10日 ）。阴。早晨开舟，勉行数里，晚至十里长庄泊。前途河水仍浅，未能畅行。

十一日，戊寅 4月11日 ）。晴。未开舟。

十二日，己卯 4月12日 ）。晴。

十三日，庚辰 4月13日 ）。晴。

十四日，辛巳 4月14日 ）。晴。刮大风。

十五日，壬午 4月15日 ）。晴。午后雨，即霁。亥刻利运闸始开，前帮舟先过闸。

十六日，癸未 4月16日 ）。晴。寅刻开舟，辰刻过利运闸，午行乍停，晚过窑湾，漏夜行。

十七日，甲申 4月17日 ）。阴。刮东北大风。辰刻过马生集闸，午刻至猫儿窝，停舟以俟起剥。

十八日，乙酉 4月18日 ）。晴。辰刻开舟，仅行数里，水退搁浅，在庄家村起剥。

十九日，丙戌 4月19日 ）。阴。刮风。起剥甫竣而水落愈甚，不能行驶。亥刻前途新河头河成闸始开，水长舟行，三鼓过闸行至达曙。

二十日，丁亥 4月20日 ）。晴。早晨过滩上集，至大王庙。此处有河定闸未开，停舟静待，晚至，过闸夜行。

二十一日，戊子 4月21日 ）。阴。刮风。卯刻过梁王城河清

闸。辰刻至黄林庄候收剥船 未开舟 因步往台庄 即回。

二十二日，己丑（4月22日）。阴。申刻剥船始到，即收剥。酉刻开船，至台儿庄闸前往。夜雨。

二十三日，庚寅（4月23日）。阴，间有微雨。申刻开闸，行，戌刻至候仙闸前往，仅行十二里。

二十四日，辛卯（4月24日）。阴，微雨。辰刻开闸，行，至顿庄闸前往，仅行八里。

二十五日，壬辰（4月25日）。晴。卯刻开闸，行，又过丁庙闸，午刻至万年闸前停舟。酉刻开闸，行，晚至巨梁桥闸前往。计行二十六里。

二十六日，癸巳（4月26日）。晴。辰刻开闸，行，至石闸前往，申刻过石闸，至新闸前往。计行十二里。

二十七日，甲午（4月27日）。晴。丑刻开闸，行，辰刻至韩庄闸前停舟。未刻开闸，行，风利，戌刻抵彭口闸住。计行七十二里。

二十八日，乙未（4月28日）。晴。因后船搁浅，未经开闸。

二十九日，丙申（4月29日）。晴。辰刻过闸，午刻至夏镇闸前往。计行十五里。

三十日，丁酉（4月30日）。申刻开闸，行，酉刻过杨家闸，冒雨行，亥刻至常家口住。夜雨颇大。计行二十八里。

四月

初一日，戊戌（5月1日）。阴。早发，辰刻至宋家闸，午后过闸行，东北风顶逆，夜三鼓至邢庄闸前往。计行六十八里。

初二日，己亥（5月2日）。晴。辰刻过闸，至利建闸，午后过利建闸，戌刻过南阳闸，亥刻至枣林闸前往。计行四十二里。

初三日，庚子（5月3日）。晴。五鼓过枣林闸，又过师庄闸。巳刻至仲家浅闸，谒仲夫子庙。未刻过闸，晚过新闸，二鼓至新店

闸前住。行三十里。

初四日，辛丑（5月4日）。晴。五鼓过新店闸，巳刻过石佛闸，午刻过赵村闸，申刻至济宁州在城闸，步入南门城，见太白酒楼，欲登未果。晚回船。大雨一阵，雨后过闸，行一里，至天井闸前泊。计行三十二里。

初五日，壬寅（5月5日）。阴。黎明过天井闸，申刻过虎头湾通济闸，亥刻至大长沟，水稍浅，停舟于此。计行五十三里。

初六日，癸卯（5月6日）。晴。寅刻水长舟行，至寺前铺闸，午过闸，晚过南旺柳林闸，又过分水龙王庙，下水又至北旺柳林闸，无板，即过，三鼓抵开河闸前住。计行四十六里。

初七日，甲辰（5月7日）。晴。黎明过开河闸，至袁口闸，申刻过闸，风雨骤至，兼有冰雹，旋即开霁。亥刻至靳家口闸前住。计行三十里。

初八日，乙巳（5月8日）。晴。寅刻过靳口闸，巳刻至安山闸，午刻过。申刻至戴庙闸，酉刻过。亥刻过张秋，至荆门上闸。计行一百里。

初九日，丙午（5月9日）。晴，刮风。寅刻过荆门上下二闸。巳刻至阿城闸，风势愈猛。酉刻过阿城上下二闸，夜至七级闸前住。计行三十八里。荆门、阿城、七级皆有上下二闸，上闸俱系拦水板，舟到即放，下闸则须等候。

初十日，丁未（5月10日）。晴。因后帮船只搁浅，至酉刻始过七级闸，亥刻至周店闸前。仅行十四里。

十一日，戊申（5月11日）。晴。五鼓过周店闸，辰刻至李海务闸，午过闸，北风大，晚始抵东昌府，泊永通闸前。计行三十二里。

十二日，己酉（5月12日）。五鼓过永通闸，至永通新闸前泊。

竟日密雨，闻前闸舟尚未过，故此处亦未启放。计行二十里。

十三日 庚戌（5月13日）阴，刮风。寅刻过永通新闸，巳刻至梁乡闸前往。计行二十里。

十四日 辛亥（5月14日）。晴。寅刻过梁乡闸，辰刻至土桥闸前往。晚开闸，北风甚大，行数里即寄碇。仅行十余里。

十五日，壬子（5月15日）。晴。寅刻行，巳刻至戴湾闸，即过。未刻至临清州，定更后过临清砖闸，此处水浅，等候起剥。

十六日，癸丑（5月16日）。晴。海观察自京赴闽过此，早晨往其坐舟拜晤，即作家书一封，托其带回。午刻本舟起剥毕，过板闸，晚过黄家浅泊。

十七日 甲寅（5月17日）。晴。黎明行，巳刻至安塔寺收剥，申刻过油坊，定更时过渡口，三鼓离武城县数里泊。

十八日 乙卯（5月18日）。晴。早晨至武城县城外，因前舟换剥，在此暂泊。步行入城，观弦歌书院。未刻开舟，亥刻至甲马营泊。

十九日 丙辰（5月19日）晴。早发，午刻至郑家口暂停，风暴骤起，申刻风歇，开舟行，戌刻泊三望。

二十日 丁巳（5月20日）晴。早发，申刻至故城县，暴风顶逆，勉行数里，定更泊。

二十一日，戊午（5月21日）。晴。四鼓开行。巳刻过娘娘宫，河道极弯，亥刻至德州，近浮桥泊。

二十二日，己未（5月22日）。晴。辰刻过德州浮桥，未刻至百草洼，遣于升赴景州为陈抑隅送家书。亥刻舟过桑园泊。

二十三日，庚申（5月23日）。晴。早发。巳刻陈抑隅从景州来舟晤谈，留早饭，未刻别去。舟过安陵，戌刻至十五里口泊。

二十四日，辛酉（5月24日）阴。刮大风，舟不得行。

二十五日 壬戌 5月 25 日)晴。上半日刮风 ,午后风定 ,过连儿窝 ,晚过戈家坟泊。

二十六日 癸亥 5月 26 日)晴。早发 ,巳刻过东光县 ,戌刻至泊头略停。

二十七日 甲子 5月 27 日)。晴。子刻开行 ,辰刻过薛家窝 ,风颇利。午刻过砖河 ,酉刻过沧州 ,夜过朱家陵住。

二十八日 乙丑 5月 28 日)晴。五鼓开行 ,巳刻过兴济 ,风利。午过青县 ,未刻过流河 ,亥刻至邓村屯 ,风色转逆 ,遂泊。

二十九日 丙寅 5月 29 日)晴。黎明行 ,巳刻过静海县 ,晚至杨柳青泊。

五月

初一日 丁卯 (5月 30 日)。晴。四鼓开行 ,卯刻至天津稍停 ,入城游玩。午开舟 ,戌刻泊南仓前 ,始回船。

初二日 戊辰 5月 31 日)阴。舟仍泊。

初三日 己巳 6月 1 日)晴。

初四日 庚午 6月 2 日)晴。舍舟就陆 ,早晨在南仓登车 ,刻蒲口 馆 ,申刻抵蔡村宿。计行七十里。

初五日 辛未 6月 3 日)。晴。黎明开车 ,巳刻河西务 馆 ,酉刻抵张家湾宿。计行九十五里。

初六日 壬申 6月 4 日)。晴。五鼓自张家湾起行 ,卯刻至都城广渠门 ,此处行李有税 ,需索半日 ,始得驱车入城。申刻到莆阳会馆卸车 ,与郑象峰同住。遣人向提塘取信 ,得接家书六封、张兰渚中丞书一封。

初七日 癸酉 6月 5 日)。晴。早晨赴椿树胡同军机处蔡公名炯家为张中丞送信 ,即回。作家书一封 ,复张中丞一书 ,由浙江差官寄去。